

哈密志卷之九

輿地志七

川泉

哈密城東北二百四十里至塔爾納沁城東北山口曰暗門子山溝水南流至河源小堡山口水由東來會爲一仍向南流至廟兒溝頭二三工屯東屯田麥地資其灌溉其西屯田地均賴沁城周圍大小十七泉并潦水灌溉

哈密城東北榆樹溝山口內至艾底爾回莊轉路至東南臨大雪山西南角下謂之雪蓮坪大雪山水並北黑溝水轉流入池曰水亭大海子又有正東艾爾古木山水會流均從榆樹溝山口流出最旺向東南流入東郭壁立有攔水壩以收水勢又在山口西旁建開渠引水灌溉東新莊屯田

哈密城北板房溝老龍窩烟洞閘水其源亦出大雪山由北會黑溝水由板房溝流出下流曲折至中間分二支一支東流入蔡把什湖灌溉屯田仍復歸至哈密城東沼河城東有聚水壩激水掘小渠引入哈密城中曲折流轉又由東南城下流出仍入沼河

哈密志卷之九

輿地志七

一

禹貢學會
邊疆叢書

哈密城北天山南山水流至黑帳房不見入地中流行至西新莊南坡下復從地中出名曰坡頭腦泉水南流至草湖而草湖中百泉湧出水勢愈大過草湖出南流名蘇巴什河設立激水壩分左右流一支南流營中官水磨三處資其水力又南流過哈密城西歸入南湖一支西流上壩坡轉流至孔雀園又引入回城南出亦歸入南湖又東分一支灌溉貢瓜地哈密城西白羊河水源出北天山南山口西旁相連山頭道溝二道溝三道溝山水亦係大雪山并黑溝水分流南下西南爲白羊河古名合羅川也

大泉腦在蔡把什湖東四五里從地中湧出大泉水色澄清南流至回子滾白兒園子由園中出南流回民資其灌溉仍歸於南湖

熱水泉在蔡把什湖東南

長流水泉距哈密城東一百四十里在街北巷內水南流

鹹泉子距哈密城東一百八十里在大路南

黃蘆崗有大泉一泓可灌溉瓜田地距城七十里

烏拉泉距哈密城一百里二堡迤西大路北旁

柳樹泉距哈密城西一百五十里在大路北

沙棗泉距哈密城西一百八十里在大路北旁高坡上

鴨子泉距哈密城西二百里在大路坡上

梯子泉距哈密城西南二百五十里在大路北

一碗泉距哈密城西北三百二十里在大路南

鎮西府知府色桐崑因委查哈密新屯水源開渠入山題詩四首雪蓮坪詩云羣山嶠峨嶺

西東山勢崢嶸形不同撲面輕颺秋夕裏凝眸積雪臘辰中靈泉波浪疑通海峽水潑洄若

掛空往日狂流歸野潦於今畝畝羨施功水亭詩云中宜水水宜亭水湧山頭若建瓴年

久溜穿三峽石夜深光碎一天星氣連銀漢形分白痕入蒼烟界破青我愛泉聲清不寐氈

廬伏枕耐心聽艾底爾回莊詩云幾處回莊隔短藩深山始信有桃源兩行弱柳迎幽客一

帶清溪抱碧園流水縱橫頻欲枕愛此泉流下騎臥於岸側興猶不足真欲枕之方快野花寂寞總無言濃陰夏日欣

游此車馬由他世外喧榆樹溝詩云催騎幾折出深山入耳泉聲響尙潺新樹漸增垂兩岸

故渠初濬帶雙灣舊渠不足灌溉擬接開新渠故云桑麻自此周原野沙漠於今列闐闐夷漢皆趨畝畝事

雖然絕塞樂安閒

哈密廳幕友姚雨春咏東新莊屯田從榆樹溝開渠詩曰榆樹渠頭水濺濺膏腴萬頃作良

哈密志卷之九

輿地志七

二

禹貢學會

田是歲新議開墾緣堤種樹紅流急就地成渠綠蔭連新議開渠非種樹萬株堤不能固舊渠其式也俗雜侏儻言語異商賈

與色日人交易率習梵語每一接談語啁啾多不可辨城臨沙漠燠寒偏冬極寒夏極暑遙知風化熙朝遠直看崑崙萬里天

哈密廳幕友姚雨春咏塔爾沁詩曰驛路迢迢出沁城烽烟孀嫗認雲橫天開塞北三千

界郡距安西九百程安西之西九百餘里即今哈密城鷗鷺盤空思狡兔鳳凰台古聽流鶯關心祇有屯田

所百萬軍儲衛此生

哈密辦事大臣務菴成書咏沁城詩云東屯風景亦全諳怪石驚沙百不堪楊柳數株泉一

道沁城已是小江南剗瓜打餅過中秋郎去屯田妾獨流請得蘭州白氈速拜香同上廟兒

溝

又有咏蔡湖屯田詩云早耕晚穫看農忙一熟須教謝兩荒蔡把什湖四千畝三秋麥豆始

登場荷鋤開渠四月天不須好雨潤芳田眞陽消盡陰山雪頃刻飛來百道泉

又有東行巡屯詩四首其一云經年困道路此日復東行爲校軍臺政來巡屯籍氓秋風吹

曠野夕照下邊城萬里逢搖落憑高無限情其二云驅車臨沙磧殘月尙朦朧九夏祁連雪

凌晨閭闔風疎楊垂弱縷野卉弄輕紅塞上悲秋客淒涼孰與同其三云路轉青山口濃陰

送野涼塞雲飛漠漠烟樹鬱蒼廢埃荆榛裏孤村清澗傍午晴時極目空羨雁南翔其四

云漸近沁城路公田次第看雪深知歲稔霜早怯秋寒屯戍爭趨接邊防愧撫安西成真有象多稼已場攢

哈密志卷之九

輿地志七

三

邊疆叢書
禹貢學會